


KUBIKKWA KWA BAMADAIKONA

 Elyo, nko kuti, citaanzi nca kubikkwa kwa bamadaikona mu mbungano. Elyo mbungano yesu niini okuno ila lyeendelezya. Ta ijisi kabungwe kali koonse na kufumbwa cintu ca kutumina bamadaikona bayo, ila lisalila bamadaikona bayo beni. Ila sala mweembeli wayo, ila sala basyomesi bayo, ila sala zintuzyonse ziboola mukati a zizwa mu mbungano. Kwina muntu owe uujisi nguzu zya kwaamba ku cintu cili conse, ni mbungano. Elyo mbungano mbaabo baboola a kugwasya mbungano ku busyu bwabo, a kwakkumi a milumbo yabo, lyoonse mbaabo ba jisi nguzu zya kwaamba kwa mulao mu kubikkwa kuli boobo.

² Elyo Ndi yanda kulumba bboodi lya bamadaikona yakainda, elyo Nda caamba kuzwa waano ku mbungano yoonse. Ikuti na umwi wa bakwesu abo uli waano, oyo wakali Mukwesu Cox, Mukwesu Fleeman, a Mukwesu Higginbotham a Mukwesu Deitzman, ba tupa kuswaangana kubotu, kupa Mwami, mu cikombelo eci.

³ Alimwi kanji lyonse obo, kweendelena ku milawo ya mubusena ku mbungano, amwaka, bamadaikona na basyomesi mbuli kucitika lyoonse bala kkwanya ciindi cabo. Elyo ikuti na bayanda kujoka, ncibotu. Ikuti na taba yandi kujoka, mpawo inga babikka bamwi mu masena abo, kuteeti eyi bboodi yaleka.

⁴ Elyo busiku bumwi Nda kaita bboodi ya basyomesi, ili kuli bboodi mpya ya basyomesi. Nda bona Mukwesu Luther McDowell nkwali sunumasiku, tuli kondedwe ku mubona mukati, oyo wakali mu bboodi lya basyomesi. Nda kaselemuka eyi mvwiki kuyo ziba akulingula mu kkopi yakacitwa fotokkopi, eco ciyo tondezegwa ku mbungano, akwalo. Kuti basyomesi ba mbungano lino ngu Mukwesu William Morgan, Mukwesu Mike Egan, a Mukwesu Banks Wood, a Mukwesu Roy Roberson. Elyo boonse bali mu dolopo eli, cita Mukwesu Roberson oyo ukkala akati ka madolopo obilo. I Mwami wacibona kweeelela mu baalumi abo, alimwi bali bantu babulemu, elyo lino batambula bulizi mbuli basyomesi ba mbungano eyi.

⁵ Elyo mpawo kuciindi muswaangano oyu ni wakali kuzumanana, alimwi ndakaambilwa a mweembeli ugwasilizya kuti swebo, kusala bboodi impya ya bamadaikona, kuti aba baka kkwanya kubeleka ciindi cabo alimwi—alimwi baleka, mpawo kwa kayandika kukketa bamadaikona bamwi bambi. Lino, mbungano. . . I nzila eci mbo cicitwa, ngu, bboodi inga ya sala bamadaikona, bantu baka beleka antoomwe alimwi bakajanwa kuba bantu babulemu a baluleme.

6 I mulimo wa daikona mulimo mupati maningi, a bulemu bupati ku Mwami kuba daikona mu mbungano. Elyo aboobo, mu muswaangano busiku bumwi, muntu umwi wakaitwa kuli ndime. Elyo cindi muswaangano a mweembeli, utobela... Bwasanu obu bwamamanino, oyo caka zuminana ku bantu aba kuti bakali balemekwa a bantu baluleme.

7 Mwaalumi mukubusyi omwe ngo bakajana, taakali kweelela (kutali kaambo kakuti ta kali musyobo uululeme wa muntu), umwi oyo waka yeeyelwa kwiinda kuli umwi wa muntu ulemekwa wa nkamu yesu ya basyomesi. Pele mbuli mweembeli a Ndime twa kaboola antoomwe, elyo Nda kabuzya musela wa mwaalumi mukubusyi, wa kali ku ma tweenti mataanzi. Ulemekwa, buyo, a muntu wini, pele kajana kuti wakali muntu utakwete. I Bbaibbele lisesa daikona kuba mwaalumi uukwete. We elede kuba mulumi wa mukaintu omwe.

8 Elyo mpawo mwaalumi umbi oyo wakali muntu ulemekwa kapati, beelela kapati ku ncito alimwi banga baba bantu basyomwa, mbuli mukwesu mbwa muyeeyela. Mpawo kumane kulangalanga kaambo, kuti mukwesu wakazwaa kunjila mu Lusyomo olu, mukaintu wakwe ta syomi muli Ndulo. Mpawo eci cikasya muntu ku zyeelelo mu ofesi. Nkaambo weelede kuba a mukwasyi wakwe oonse mu kweendelezegwa, beelede kuba akwalo mu Lusyomo, nkaambo inga caba cidyobedyobe.

9 Elyo tuli mukuyaka eno, alimwi tu yanda kubikka mbungano eyi. Elyo mbuli mulinguzi wakonse iwa mbungano, Nde elede kubona kuti cakabambwa, Camalembe, zintuzyonse moonya mu Ijwi.

10 Elyo aboobo nkikaako, mpawo, caka janwa luzyalo ku bboodi a mweembeli, a mulinguzi wakonse, kukketa mu nkamu eyi ya bantu kuno muntu umwi oyo ngo tu yeeya kuba muntu ulemekwa a muntu uululeme. Tu konzya buyo kubaleta. Elyo cili, mpawo, ba lasalwa a mbungano, kwiinda ku kusala kwabo beni. Elyo mpawo aba bantu bayo belekela, ikuti na balimvwa kuti bayo tambula ofesi eyi. Mpawo bayo boola kwa ciindi cisyoono, kubona kuti na balimvwa kuti ndiza Leza waka baita. Elyo na kwamana, na balimvwa kuti tiiba kkwanya ku zyeelelo, mpawo, bali jisi nguzu mu mvwiki zisyoono zitobela kuleka kubeleka mu ofesi, kuti umwi umbi inga wasalwa mu busena bwabo.

11 Nekubaboobo, ku matalikilo aa lubukulusyo kuti (ikuti na Leza wayanda) Ndi yanda kujatilila awa mu cikombelo eci cakufwambaana mbuli Mbwe jana kulyookezya kumwi, mpawo Nda—mpawo Nda... tuyo nanika madaikona aba kwiinda ku kubikka maanza, madaikona a muyobozi mu mbungano eyi. Pele lutaanzi beelede kusalwa a—a kubona obo mboba uyanda a boobo mbo uyanda. Mpawo ikuti na—mpawo ikuti na cili kabotu

ku mabazu obile, mpawo tu bamba baalumi aba bakasalwa madaikona, mbuli buyo Basyomesi bala salwa munzila njionya.

¹² Nkulyeendelezya a mulao wa mbungano, kwiinda ku Ijwi lya Leza. Aboobo, kuti, taba konzyi buyo kwaamba kuti “Ndi yeeya kuti oyu muntu uyooba muntu uululeme,” eco tacili ncico, “Mukwesu Neville uyeeya kuti muntu oyu inga waba muntu uululeme,” na “nkamu ya basyomesi bayeeya kuti muntu oyu uyooba muntu uululeme.” Kweelede kuba kwiinda ku mbungano! Taakwe muntu uucita cintu cili coonse mukati kakwe alikke awa. Kwalo nku voota kwa mbungano. Ni mbungano ilyeendelezya.

¹³ Ibali yakaindi ya milao ya mubusena yaka nyonyoonwa mu muyoba wamu 1937. Twa kai kkoopolola eyi, alimwi iyo anzikwa ku bwaanda okuno cakufwambaana, malizi aa basyomesi, madaikona, bayobozi, a bamwi bambi, mweembeli, babeleka limwi, abamwi bambi.

¹⁴ Ku luzyalo lwa Leza, kwa kaambwa kuli ndime, alimwi peseenti ya mavooti amaninide kwinda mu bboodi ya mbungano eyi, kuteeti baka jana kuti Mukwesu Hollin Hickerson kuba uululeme, muntu wabulemu, a mu mundando mu busena obu bwa kutambula i—i bulemu bupati bwa kuba daikona wa cikombelo eci ca kaamba.

¹⁵ Akwalo, twa kajana, alimwi kwiinda ku kusala kwa nkamu, kuti Mukwesu Collins awalo wakajanwa kuba muntu ulemekwa a muntu uululeme. Mukuba mukutausi, lwakwe, nkikaako inga twa mulomba kuboola a kuba ii—ii daikona wa mbungano; alimwi kutali buyo daikona, pele kuba antoomwe a Mukwesu Neville, alimwi antela ku kkilasi ya kwiiya Munsondo, na kubweza busena bwa Mukwesu Neville, na kufumbwa cintu ciitwa aali nguwe kuba simulimo uubeleka antoomwe a Mukwesu Neville. Oyo Mukwesu Collins.

¹⁶ Elyo, akwalo, mbungano yajana, mu luzyalo, kuti Mukwesu Tony Zabel, muntu ulemekwa a muntu uululeme, elyo wa kayandikana kumbele lya bboodi ya basyomesi a beembeli, ku mubuzya kutambula mulimo wa daikona mu cikombelo eci ca kaamba.

¹⁷ Elyo akwalo kwa kabuzigwa, a kujana muntu ulemekwa akati kesu... (Kutali...aba tabali muntu biyo balemekwa, lino, pele bakasalwa ncobeni aa boodi.) Mukwesu Taylor uzwa ku Henryville, na Memphis, Nda syoma nje njiyo, Memphis, Indiana. Wa kali andiswe kwa ciindi cimwi, kaiminina mbuli aasha a kufumbwa cakalikukonzya kuba. Kutu mbungano yajana luzyalo kuli nguwe, na boodi a beembezi, kuti uyo tambula i—i mulimo mupati mbuli daikona wa cikombelo eci ca kaamba.

¹⁸ Elyo akwalo kwa kabuzigwa kuti mukwe wa Mukwesu Mike Egan, Mukwesu—Mukwesu Bob Harned, wakasalwa kwiinda ku nkamu a kwiinda ku beembeli, kutambula mulimo mbuli

muyobozi wa cikombelo eci ca kaamba, ili ni ncito yabulemu, alimwi iyandikana kululama a lulemeko.

¹⁹ Mu kucita eci, Ndi yeeya kuti, bakwesu bangu, abo bakwiita kuzwa awa, kuti inga lwaba lulemeko lupati kuli nduwe. Elyo kutali buyo eco, pele cintucimwi cakucita.

²⁰ Ku ciindi eci Ndi yooba a Mukwesu Neville, kubeleka kwesu, ku bala ziyandika zya daikona. Mukwesu Neville, ikuti na uyo cibala kuzwa ku Ijwi lya Leza. [Mukwesu Neville wabala Timoteo Mutaanzi 3:8-13—Mul.]

[Mbubonya abalo bamadaikona beelede kuloma, batabi basindimizyobilo, batabi basikukolwa waini nokuba kuunya ku lubono lwaansi ano;]

[Kajisi makani aasisidwe aa lusyomo mu manjezeezya aanjoloma.]

[Elyo amulekele abo bakasaangune kulangililwa; mpawo aba njile ofesi yabu daikona, mu kuta janwa butongo.]

[Abalo bamakaintu babo abalome, batanoonga kabatamikizya bamwi twaambo, kaba batama, akusyomeka mu zintu zyoonse.]

[Balekwe bamadaikona babe balumi ba mukaintu omwe, kweendelezya bana babo kabotu a maanda abo.]

[Nkambo abo baka belesya ofesi ya budaikona bali janina ziimo zibotu kuli lwabo, a camba cipati mu lusyomo luli muli Kristo Jesu.]

²¹ Ameni. Inga ndalomba aciindi eci bakwesu abo baitwa, ikuti na baleenda buyo kumbele awa ku cibumbili asyoonto buyo. Elyo mbuli mbo tukotamika mitwe yesu asyoonto buyo ku mupailo, Ndi yanda kuti ba . . . Elyo mbungano ilizi eci mbo cibede, kuti oku nkukketa nkamu yako ya bamadaikona a muyobozi wanu.

²² Mwami Jesu, cili a kubatama, kuyeeya kwa buleza kuti twa boola kuli Nduwe lino. Twa boola mu kulemeko Ijwi Lyako Lisalala Loko, twa boola kusyoma kuti “Akube kuti ijwi lya muntu lyoonse lilubile, pele lya Leza libe lya bwini.” Elyo tuli lumbide kuli Nduwe nkambo ka Mbungano eyi eyo Jesu nja kaula a Bulowa Bwakwe Mwini buyandisi, alimwi wa katupa buyake obu bwa kukombela mo.

²³ Elyo mbuli balinguzi ba butanga obu bupati, eco Muuya Uusalala ncowa katusalila kuba, lino tuli mukusola kuleta eci ku mbunga aca kusyomeka, nkamu ya bantu balulami abo mbo tusyoma kuba bazwide Muuya a kulibambila ku ofesi. Mbuli mbo cakaambwa ciindi cimwi kujatikizya nkamu ya bamadaikona, “Kamuya mukali yandawide nobeni akati kanu, muntu wa mpuwo mbotu a Muuya Uusalala, kutegwa babeleke mu cianza eci, kugwasya bamukabafu a bamucaala, kwaabanya mali, aku mamela bweende buli kabotu bwa mbungano.”

Kumane mu myaka, twa zwaa kubala bulembo bwa musalali Paulo oyo, mupati, wakananikidwe, oyo wakabamba bulembo bwa mulawo ibwa Magwalo azyeelelo zya zyuuno zili boobu.

²⁴ Leza, kolemya bantu aba. Elyo lino nkusala, Mwami, mbuli mbungano ilyeendelezya, mbuli mubili wa Mwami Jesu, kuti bala cita kusala. Elyo... [Kabeela katakwe cintu aa teepu—Mul.]... elyo uyo lailila caabilo eci ca kuswaangana mu nzila nsalensale, mu Zina eelyo lisalala lya Jesu.

²⁵ Lino a mitwe yesu kiikoteme, kutali buyo mitwe yesu pele myoyo yesu, alimwi mbuli cizo coonse ca mbungano eyi, eco ciboola kuno calyonse a kucigwasya a kwakkumi a milumbo yako, oyo uulanganisigwa kuba cizo ca mbungano eyi, kuciindi mweembeli a Ndime, tolikke, mbo kulibonya, mweembeli uubelekela aantoomwe, Mukwesu Neville, elyo Nda langa, Ndila buzya mbungano eyi na yajana Mukwesu Taylor kuba muntu uululeme weelela, ku kuyeya kwanu kubotu maningi, kuba daikona ku nkamu eyi ya bantu? Uyo zibya nciconya kwiinda ku kutambika janza lyako. [Mukwesu Branham wapumuzya—Mul.] Ncibotu. Lino ikuti na kuli kwiimpana kuli koonse, sa inga watambika janza lyako. [Mukwesu Branham wapumuzya.] Nda lumba.

²⁶ Sena umwi wa mamembala aya mu mbungano eyi wakana awa... a boonse, sena mula jana Mukwesu Hollin Hickerson kuba muntu uululeme a ulemekwa, a mwaalumi wajanwa kumeso anu kweelela kuba daikona wa ceci caambwa mu mbungano? Sa inga watondezya kwiinda ku kutambika janza lyako lyalulyo. [Mukwesu Branham wapumuzya—Mul.] Ikuti na ciliimpene, nkokuti tambika janza lyako. [Mukwesu Branham wapumuzya.]

²⁷ Sena mbunga eyi yajana Mukwesu Collins kuba nguwenya, muntu uululeme a ulemekwa, a kweelela mulimo wakuba daikona wa mbungano eyi? Sa inga watambika janza lyako. [Mukwesu Branham wapumuzya—Mul.] Ncibotu. Kwiimpana, sa inga watambika janza lyako. [Mukwesu Branham wapumuzya.]

²⁸ Sena mbunga eyi ijana Mukwesu Tony Zabel kuba muntu uulemekwa a kweelela ku ofesi eyi, kuba daikona ulanga butanga obu mu mbungano eyi yaambwa? Sa inga watambika janza lyako lyalulyo. [Mukwesu Branham wapumuzya—Mul.] Kwiimpana, sa inga watambika janza lyako. [Mukwesu Branham wapumuzya.]

²⁹ Sena mbunga eyi ya limvwa kuti Mukwesu Harned muntu uululeme a sibululami, oyo wakali a ndiswe kwa ciindi cimwi, kuba muyobozi wamali, muyobozi wamali aa mbungano eyi, ku langanya mali ayo a kubbadela mabbiilu ayo? Ikuti mboobo, tambika janza lyako lyalulyo. [Mukwesu Branham wapumuzya—Mul.] Sa kuli kwiimpana, tambika janza lyako lya lulyo. [Mukwesu Branham wapumuzya.]

³⁰ Ndi yanda kwaamba ku i-i bakwesu abo baimvwi ku ciindi eci calino, ku tende lya ciingano eci, kuti mbungano eyi, peseenti imaninide (taakwe kwiimpana pee), ya jana kuti yoonse muleelela kumeso a Leza kuofesi eyi yalo Leza nja mwiitila.

³¹ Lino, nywebo, mbuli mbo kwaambwa, “Akube kuti aba basaanguna kusolekwa, akubona ikuti na bala uyanda mulimo oyu.” Mu mvwiki zisyoonto, Leza nawayanda, Ndiyo jokela kubikka maanza aa nkamu eyi ya muntu, ku babamba camulao basyome- . . . na bamadaikona ba mbungano eyi, a muyobozi.

Atu kotamike mitwe yesu aniini buyo:

³² Mwami, tuli kkomene sunumasiku kuti kuli muntu ucipona aa nyika ukonzya kweenda cabuleza kumbele lya inyika; munaleza loko kuti cikombelo, a milao iisinizizye mbuli eyi imwi mboi jisi, konzya kuvootela bantu bosanwe mu zyuuno mbuli basololi, kakutakwe vooti lyomwe liimpene. Tuli kkomene nkambo ka mbabo, alimwi tu limvwa kuti Wa kali a ndiswe mu kubamba mizeezo eyi, nkamu alimwi swebo to beembeli.

³³ Leza, longezya baalumi aba. Alimwi akube kuti babeleke mu ofesi eyi a moyo wabo onse, mukuziba kuti nkuli janina ciimo cipati cabulemu ku Julu. Buzubabumwi cindi Mabbuku aa Julu aku jalwa, akube kuti Bbuku lya zilenge zyakujulu a mu Bbuku pati lya Julu lijulwe, akube kuti mazina abo abe kumaninina kumbele lya Leza a Mufutuli a makamu onse Aakujulu, kuba mbubonya mu Bwami Bwakwe. Ba longezye, Mwami, alimwi akube kuti ba beleke eyi ncito kabotu. Mu Zina lya Jesu twa Ku lumba nkambo ka mbabo. Amenii.

³⁴ Ndi yanda buyo kusukana maanza anu, Mukwesu Harned, a Mukwesu Zabel, a Mukwesu Collins, Mukwesu Hickerson, a Mukwesu Taylor. Kukkomana loko kuziba kuti twa kaba aluswaanano abantu aba boonse a muntu ulemekwa. Leza amu longezye lino. Elyo tuyo mubona cakufwambaana, Mbweyo jana buyo kupumuna kuniini, ku jokela, a kubona obo mbo muyanda mulimo wanu. Ncibotu, kwiinda ku kusala kwabo, Ndi yeeya kuti yakali peseenti iili mwaanda, kwiina lwandaano noluceya.

³⁵ Oh, sa tamu boteledwe kuti muli mukunjilana a bantu sunu abo bakonzya kupona kumbele lya Leza, cabuleza, a kupona kumbele lya inyika eyi iliko mu ciimo eco? Calo ncintu cibotu loko.

³⁶ Elyo Ndili kkomene kapati kuziba sunumasiku kuti Ndi jisi coolwe ca—cakuba a baalumi aba a mbungano eyi kuba beenzuma. Ndili kkomene kapati kuti Leza wandi lete antoomwe a Mbungano Yakwe ku inyika yoonse. Oh, basampaulwa a kukakwa a kwaambaula makani, alimwi mbuli mbo Nda amba cifumo cino mu mulumbe wangu, ndiza basikukanda daka buyo, nzila inyika mboi balanga, mbuli “nkamu ya basikwiindilizya,” pele Leza ubalanga mbuli bana Bakwe. Ndili kkomene kapati kuli ceeco. Kwayanda taba konzyi

ku mwaambila kuti ali mamaile ongaye ku mweezi. Inga tiiba bakonzya kumwaambila bubambe boonse bwa zuba amapulaneti anzila mbo zibeleva. Pele kuli cintu comwe nco bazi, ba lizi oora ndyo bakazyalululwa. Ndili kkomene kapati kuli mbabo.

³⁷ Elyo mbuli cikozyano ciniini eco Nce kaiya, elyo Ndiyo cileta antoomwe sunumasiku a basimbi bangu baniini kubaanga nku cibamba kuboola ku muunzi kuli ndiswe, ku cibamba kuba kasimpe kuli ndiswe, kuti mumvwiye bupanduluzi bwa ncico. Cifumo cimwi, kubuka kuzwa mu bulo. . . Ndi jisi basimbi bobilo baniini. Umwi wabo ngu Rebekah, alimwi umwi wabo ngu Sarah, alimwi mbasimbi baniini ba taata.

³⁸ Elyo Ndi jisi mulombe muniini, Joseph. Nda kali kuzwa ku Chattanooga, kuzwa ku muswaangano busiku bumwi, kuciindi Ne kali okuya mu kkampeini yamamanino. Elyo Nda kali mu i—i mootokala, nkeunka antoomwe a mwana wangu mupati kwiinda, Billy. Mukaintu wakwe a Meda bakali mu mootokala, a basimbi. Alimwi mbuli mbo twakali kupumbulika, taakwe umwi wakaamba cimwi kwa milongo ya mayake masyoonto adolopo. Elyo Nda kaumputa canguzu loko aa bantu masiku ayo kujatikizya nzila mbo bakali kucita. Elyo kwiina umwi wa kaamba cintu cili coonse. Elyo Josefa muniini wakaboola a kundi kwempa ku ciwezo, wa kati, “Taata, ncobeni wakambauka sunu masiku!”

³⁹ Elyo cifumo cino, mbuli mbo Ndali kuzwa a kuya kutala ku Kagwagwa ka Eighth a Tenth, i . . . na Penn a Tenth, mubwini, taakwe muntu wa kaamba cintu, mukaintu a basimbi bobilo. Elyo Josefa muniini waka bweza kkuko lyangu alubo, wa kati, “Taata, kuti, Nda kubotelwa ncobeni kukambauka oko cifumo cino,” wa kati.

Nda kati, “Ee, Ndi jisi omwe ngwe botelwa, oyo mwana wangu mulombe.”

⁴⁰ Elyo ku kwaamba kwesu kuniini. Kutala cifumo cimwi, kakkede mu kaanda, muniini Becky wakasika kazuza kuzwa a kwaamba, waa katanta a kuulu kwangu a kundi gwambatila maboko akwe, elyo musimbi muniini wa taata. Elyo waa kali kundi gwambatila. Elyo Sarah muniini waka sotoka kuzwa mu bulo a pajama yakwe niini alimwi wakali kunga, kaamba, kaboola kaya buzuzaana. Ngo umwi muniini wa meso asalaluka.

⁴¹ Becky muniini inga wati, “Oh, Sarah, taku yandikani nduwe kuboola, nkaambo Ndi jisi Taata oonse kuli lwangu. Taata ngu wangu oonse!” Elyo Sarah muniini, milomo yakwe miniini yakaloka, meso aakwe maniini asalaluka aka vumbidwe. Nda kutondezya mbuli *boobu* a kudukumanya ngondo limwi, elyo waa kazwa akukwela ali ndilyo.

⁴² Becky ujisi mauulu malamfu, kutegwa inga wasika aa cibuye. Sarah muniini wakali kudadalika, aboobo Nda kagwambatila

Sarah amanza obilo. Sarah muniini wakalanga kuli Becky a kuti, “Becky, ndiza inga ujisi Taata oonse, pele Taata uli ndi jisi koonse!”

⁴³ Elyo Ndi yeeya kuti eyo nje nzila mboibede awa. Kwayanda inga tii twaziba loonse lwiiyo lwabukombi a mabala onse mapati a Cigiriki, eyi nkamu ya bantu inga teeya ziba pe. Pele kuli cintu comwe masimpe, Ndi syoma kuti Jesu uli tujisi toonse *swebo*. Amen.

Yaa, Mukwesu Neville.



KUBIKKWA KWA BAMADAIKONA TNG58-0720E
(The Placing of Deacons)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Kunkumunamasamu 20, 1958, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org